


中國方志叢書·華北地方·第三二二號

據
不著纂修人姓氏
年代不詳抄本
影印

甘肅省

隴邊考略



成文出版社有限公司印行



10098592

中華民國五十九年二月臺一版

隴邊考略

全一冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三三〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

新學社
PDG

光緒甲辰重脩

興陽縣志

本衙藏板

隴邊考畧目次

全隴邊衛

河州

西寧邊堡

莊浪衛

莊浪北邊

涼州衛

涼州北邊

西寧衛

西寧近疆

莊浪南邊

莊浪近疆

涼州南邊

涼州北邊近疆

涼州近衛

隴邊考畧目錄終

隴邊考畧

全隴邊衛

今天下可患者獨西夷也西夷之患必始西陲西陲當唐虞時禹敷土所及雍州之地服在侯甸間況聲教及流沙靡不卽叙未嘗如後世之遠乍喉阻甲兵以自守也秦築長城因河為塞起臨洮達九原上郡而河西乃雍州故壤夫已棄之秦之塞亦狹小矣漢武帝元狩二年始於河西置武威酒泉二郡元鼎六年又置張掖酒泉二郡是為河

西四郡至昭帝始元六年置金城郡是爲河西五郡且開
西域遠出玉門萬里外置都護唐亦因之二代幅帟可謂
廣矣下逮於宋舉長安故寨多棄而不能守固不逮秦無
論唐漢及明興使耿炳文收河湟馮勝取甘肅而於嘉峪
關畫玉帑以界華夷其燉煌無論數十里委之外藩不知
古玉門陽關者安在邊問都護長史之置然較之秦則亦
過之迄於中葉失東勝而秦漢唐之沃野千餘里在河山
之內所謂河套者公然爲穹廬歷二百餘年矣今之疆域

率由明舊可攷而知也其地南始於階州而河州西而西寧折而北而莊浪又西而涼州甘州肅州東而靖虜寧夏極於榆林皆邊衛也其塞則或山或河或長塹其緣沿道里則六千九百里有奇其邊吏或專閫或分符或偏裨荷戈之士合五萬有奇時或更張而靡定也其人則漢人土人雜以黑番回回黃番番僧衆寡不一要皆在疆域之中其環於外者則西夷西夷所環始河湟盡寧夏蓋河州之南阻蜀山寧夏之東限河套也考西夷之雜錯西陲者郤

落數十種而數十年間受羈靡不敢大肆憑陵者種類區
分力敵而勢均內懼相兼而謀不協無有能統屬之者是
以苟安於無事今且有如冒頓者強兵習戰東討西征擊
月氏樓蘭烏孫等數十國控弦之士數十萬錯雜塞下之
夷率皆頓首稱臣望風從命嗚呼可懼也已夫遠有冒頓
之禍近有門庭之寇苟任捍禦者徂於無事不免棘門灞
上之不戒則西陲之憂曷有已哉

河州

杞晉鐵

河州晉所名也漢曰大夏隋曰杞罕唐曰安鄉宋曰寧河
明因晉而名之蓋黃河入中國始於河州禹之導河積

石是也

衛古西羌地漢為大夏即屬金城隴西二郡晉
為河州亦曰杞罕縣隋初為河州尋改杞罕郡

唐為安鄉郡又曰安昌縣宋曰寧河州亦曰杞罕今州
西有杞罕古城州南六十里有寧河城明洪武初鄧愈
收復河州洪武五年置河州府十二年置河州衛屬臨
洮府今因之黃河發源於星宿海遠崑崙遠流入中
國先河州次蘭州又次靖虜至寧夏統河套折而東南
入榆林黃甫川出套經秦晉豫齊魯淮而入於海積石
即今積石關在衛西一百三十里漢宣帝置河關縣隋
置河關郡宋積石軍駐其地稱積石城焉

河州雖亦邊地雜於西羌然自有郡縣以來未嘗淪於

夷者何也河州東有臨洮之府北有蘭莊之阨南有洮

州之塞西有西寧之環四塞內地獨以一隅臨邊非如

他衛孤懸斗立者比也

衛本羌也今之生番熟番皆西羌種類也臨洮府在衛東北一

百九十里莊浪衛在衛西北由喇嘛川黃河西渡四百

里蘭州在北由洮河黎子山一百八十里洮州在南由

和政驛二百八十里寧夏衛在西由永凌寺渡黃河經

古鄯川口四百六十里由積石黃河上渡經巴煖三川

翟曇寺四百五十里衛西南一隅通河西河曲本在黃

河內明正德間夷

人據之以至於今

且不特地利也衛之兵雖少其民甚

強其土人甚勝其熟番皆轄於土官其黃衣僧皆聽命

於國師其弓矢及矛比屋皆有無事則耕牧為生有事

則相為守助其馬則蕃庶羗人畜牧尤多明置立茶馬

司於是其土地所生有麥有糜有豆有青稞且移粟以

資湟中然則四境之內襟山帶河兵食足矣雖亦臨邊

可謂內地宜乎不淪於夷也

衛今設副戎一又起台堡保安堡歸德堡守備三人

或云其先世夷人居中土已久服食男女於中國無別
且久於漢人連姻與漢人言則操漢人音又能通羗人
語其實心為漢非羗夷所可及云西寧莊浪者亦然衛
西番二十四族皆轄於蘇韓哈王四土官黃衣僧即番

人為僧者衣帽皆黃衛者僧甚多所在動以千計寺有一國師皆襲封其最尊者有金印蓋洪武間因番僧公哥監藏巴藏卜等入貢於是賜詔封圓智妙覺弘教大國師使其統治僧民衛出馬特多有土人熟番回回生番俱以孳牧為業按洪武七年立茶馬于河州弘治間楊一清言唐時回紇入貢即以茶為馬宋熙寧間行之所謂採山之產馬廐之良無害而有利者也我朝納馬謂之差發如田之有賦身之有庸非虐使於番因納馬而酬茶體尊名順非互市交易之比且西番為中國藩籬其人本非我之孝子順孫徒以資茶於我絕之則死故俯首服從此制番之上策前代畧之而我朝獨得之昔也頃自金牌制廢而私販盛行失利已久豈徒邊方乏騎乘之用將來番無資於我跳梁自恣將生意外之憂徹藩籬之固甚非計也今茶馬互市亦同於昔官茶易馬每揀頭八封茶十二易皇馬一騎揀頭六封茶八易營馬一騎揀頭四封茶六易駟馬一騎云衛雖不產

稻而麥豆雜糧隨地皆有七糧多至二萬六百八十石
可以知之矣麥豆雜糧輦載驢馱以往西寧首不絕于
路衛治西至黃河西十里
北至黃河八十里
河州在昔至今不淪於夷而

明中葉以來乃有竊據一隅覲變而動昔咸賜從我屬

番殺掠我兵民焚燒我積聚要盟我城下徃徃有之何

也武宗正德四年火落赤據捏工川常犯河州真相據

莽刺川亦犯河州今西夷達遠竊住收捏工川及南

岔灘部落三十有奇康熙十四年圍西南有二十四關

衛城一月康熙二十二年又犯衛地

西南有二十四關

關之外有馭脫之地名河曲焉亦謂之九曲之地是所

謂小河套是也雖在河內千里間地無居人近有起台

遠有保安尤遠有歸德繕堡屯兵於其中曾滄海一粟

之不若宜夷之盤據滋蔓於河曲為我河州患也

麻山關安

龍關大馬家灘關小馬家灘關鴉塘關斗石關思巴思
關殺馬關喬家又關西關槐樹關閃半嶺關土門關朵
只巴關年花關老鴉關別藏關崔家關石嘴關樊家關
五台關積石關紅崖關今所謂二十四關也關皆山險
林木茂密關之東則河州內地關之西則小河套即九
曲之地亦曰河曲蓋黃河曲拆旁岸之總名也起台堡
在衛西二百里保安堡在衛西六百七十里歸德堡在
衛西一千二百里三堡皆在河曲地各堡僅以守備其
兵民俱非漢人乃土人云三

夫西南之間內有二十四

堡之兵分地偵探此舊制也

關以為扼塞而有有夷患者何也蓋二十四關崇山峻

崩茂木深林蹊徑狹隘有山川之險矣關東二十四族
之番雜土人回回而居有民人之衆矣苟相地而置兵

因形而乘韜夷固不能以飛越灼灼明矣今河州起台

之兵畫壤分守之一關之間寥寥數人焉民雖強不可

以勝戰地雖險不可以無兵乃經畫之踈陋至於此是

猶使三尺之童當戶而捍虎狼之入也豈可得哉

二十四族

熟番專事中馬每族有土官為長以統束之二十四關
自麻山而西北至石嘴皆河州之兵防守自老鴉而北
皆起台之
兵防守
二十四關外雖千里空虛地然有起台保安

歸德三堡而夷猶盤據蔓延者何耶淮南王曰非強不能服非威不能制當明初興鄧愈詔諭河州雖絕遠如朶甘思爲斯藏咸慕義來歸况疆域之中如何曲者乎夷不敢居河曲則設官置戍於三堡不過遠為偵候耳及其衰也亦卜喇據青海而火落赤真相遂分據捏工川莽刺川騷動河州迄無寧歲何有於三堡三堡獲於瓦全幸矣青爐灰以障滔天之水當無若是之苛也明洪武三年左副將軍鄧愈追元豫王至西黃河詔諭河州土番諸國元師何鎖南普化兒只江來卜納刺等皆納